

Falera Sesentir da casa

Svilup dalla vischnaunca

Nus vein en mira in svilup dalla vischnaunca cun integrar l'entira populaziun. D'impurtonza ei la segirtad dil beinstar dalla populaziun. Nus dein gronda peisa alla protecziun ed al manteniment dil maletg dil vitg.

Economia / turissem / agricultura

Falera ei interregionalmein enconuscent sco destinaziun turistica. Nies gudogn principal seresulta dil turissem. Nus promovin l'idea dil turissem regiunal. Nus lein mantener ils plazz da lavur existents e promover novs plazz da lavur. Per l'economia lein nus porscher bunas cundiziuns localas.

Traffic / ambient / energia / provediment e dismessa

La natira ed igl ambient fuorman nies pli impurtont capital. Nus tractein el cun cunscienza responsabladad e duvrein el cun precauziun ed a liunga vesta. Nus s'engaschein pil manteniment e per la promoziun d'in bien provediment e d'ina buna dismessa.

Social / scolaziun e formaziun / sanadad / segirtad publica

Nus lein risguardar il beinstar da giuven e vegl. Nossas finamiras ein da mantener la scola dil vitg e da promover il nivel da scolaziun e formaziun. Ina buna scolaziun e formaziun era per carschi, in ambient social e segir ed in provediment da sanadad public che funcziunescha bein fuorman ulteriuras petgas impurtontas.

Cultura / temps liber / recreaziun / sport

La cultura ei nossa fermezia. Nus promovin la varietad culturala, nos usits e rinforzein cheutras l'identificaziun dalla populaziun cun la vischnaunca da Falera. Nus lein porscher als indigens ed als hosps bunas cundiziuns per la cultura, pil temps liber, per la recreaziun e pil sport. La construcziun dils megalits e la baselgia da s. Remigi ein attracziuns unicas.

Administraziun / autoritads / collaboraziun denter vischnauncas e corporaziuns

Grazia a structuradas administrativas conformas al temps savein nus adina reagir sin midadas. Las autoritads ein engaschadas, motivadas e creeschon premissas per mantener la vischnaunca a moda efficienta. Nus promovin ina collaboraziun activa cun autras instituziuns.

Finanzas

La finamira ei ina sauna economia da finanzas. Ils mieds ch'ei avon maun tractein nus cun cunscienza responsabladad.